

**AGAÑ EYI NIGER DELTA  
MGBA-NTITIIÑ IKWEEÑ-INU USEN AWAJI EYI 2015**

**NTEEN IKO:**

Etip echi egebe ijet Ntitiin Awaji jaaba ikup me Ichichili 2 me 3. Ege etip chi ijet ebi osat Awaji, isa ijet Ntitiin Awaji echi òkup me agañ Esia. Me usem Ebi Gris, “Ogwu Osat” isibi ogwu ikwaañ. Cherekeyi ebi osat Awaji ire ebi Mkpulu arọñ, ebi ijejeñ, ebi nriran me ene geelek Awaji oriabe ikwaañ. Ntitiin Awaji ire “ebi egwenbe isibi”. Ire akpalek ebi ichechieek isisi ikwaañ me ifaka Awaji me isichak me lek ebi ofifi ife ike ikupbe me emen Ikwaañ Ebi Otuchieñ 2:44, 47. Jisọs me emen Ikpa etip kañ ñgebe ijet Ntitiin Awaji cha ñjeeñ lek kañ melek erieñ me unye erieñ òkijeeñ unye mkpulu kañ isaba ntitiin. Ìkpombum si itọtọñ kañ, ngana ikọ kañ, nteme inyi ebi Ntitiin Awaji echi ikakup itat, me ata mkpukpe inyi ebi ititim ikpañ. Jisọs Karais ikakinwene, ubọk ikupbe me iyakwut ke ikup me cherekeyi, mọkup si ikeya ire mgbo ikakaañge itata. Ikọ kañ ikiluluk ugwem me ireke igak oge isiba (Heb. 4:12), eya orọ mêmọnọ ikpa etip kañ ya isuñ isi uyọt eyi eji erebe ebi Ntitiin yaage. Ikwekweeñ ikpa etip chi idọk mọkpombum mgbo, eru me irek emen ekwukwu etumube ikọ ibak, ire ojelek inu òkirọ me emen Ntitiin Awaji cherekeyi.

Eya orọ, ene mọkọt ikana igwook ibe ke Ntitiin Awaji me ama geelek me ebi ikup me emen kibañ mibekek ebi Ntitiin Awaji okup me Esia ge me ire iba ike Okupmugwem me ogwu ibot Ntitiin Awaji otumube. Idodo ene geelek obosa iwọlọ lek kañ ikpọ ibore “Kpasi Ntitiin Awaji ojeeñ emi me agañ Ntitiin ña iwele ijaañ ichit? Mije mgba ntitiin keyi, miche ikwekweeñ Ikpa Mbuban itap me irek ini:

**Jisọs Karaise ogwu Ibot Ntitiin Awaji :**

Ikpọkpọ ikeek ebi ichechieek me lek kañ ibe Jisọs ubọk ikupbe me iyakwut ke ikup me cherekeyi, mọkup si ikeya ire mgbo ikakaañge itata, ọmọ mọre ibot inyi Ntitiin Awaji. Ikọ itumube ikup uyọt si inyi Ntitiin Awaji Chereyi.

**Itọtọñ eyi etọñbe ebi Ntitiin Awaji cha:**

Inyi esa lek kiji etọt me emuñ ibe ke ugwem kiji ilibi ikike me lek itọtọñ cha. Ogakge, isasa ikpọk ikeek eji ibe ke Awaji ikekiriọñ me ikige ata ikwaañ geelek isuñ eyi okitap eji efuuk memen inyi esi ata ikwaañ efo isi.

**Inu ikabelege emi ejit me lek kinyi**

– Ikpọkpọ ikeek ebi ichechieek me lek Jisọs Karais ibe eyi eji ekupbe me ugwem, ke ikup uyọt ibe ewọlọ lek kiji ekpọ usen geelek inyi eji erioñ ejot ibe ke eji me emen nchieek me egwu ekom, ire igana ikọ inyi eji.

**Ngwu nkom me Mkpukpe**

– Ikpọkpọ ikeek ebi ichieek me lek Jisọs Karais ibe ke ngwu nkom ikikup isi ngana ikọ isaña; atata ngwu-nkom mọsa nkupke echi obọfuk ire mgbo ikakaañge itata inu.

Me òta ikweeñ inu, ekpochieeñ ibe ke eji otutuuk ene mēwọlọ lek kiji ikpọ me atikọ, ubọk geelek erioñbe eji melek inu eji erebe, me iyaka ire ike eji emonobe lek kiji me mgbo òraraka. Eji mēkeek lek kiji ibe ke Jisọs Ogwu Ibot Ntitiin Awaji me ogwu Nkpukpe ebi mbuban kañ, okimuñ ejit ene geelek, ikọ kañ echi igebe ijet Ntitiin Awaji me Esia ikup inyi eji si chereyi. Gbañ nteme me ngana ikọ ike eweekbe inyi ekeke enye me ichechieek ire ota. Inyi egwu ekom mgbo geelek me etet ata ikwaañ chi enye, inyi ekafiiñ mkpukpe kiji echi obofuk ire mgbo ikakaañge itata.

Ike eji echiliba ejit kiji inyi nkweeñ ikọ Awaji, ke ọmọ ikpombum inu ikiweek inyi eji ene me ene, me kubọk Ntitiin Awaji ikup me agañ keyi me erieeñ ke Jisọs! Ikup ikeya.

**AGAN̄ EYI NIGER DELTA**  
**MGBA-NTITIIN̄ IKWEEN̄-INU USEN AWAJI EYI 2015**  
**IKWEKWEEN̄ IKPA MBUBAN 1**

**IKPELE IBOT IKO:** Ebi Ntitiin̄ Awaji Jaaba Cha.

**IBOT IKO:** Jisos̄ Karais ogwu Ibot Ntitiin̄ Awaji.

**IBOT IKPA:** Ichichili 2:8; 3:1, 7, 14; Efesos̄ 5:23; Kolosi 1:28

**IBOT NKWEEN̄:** Ikpokpō ikeek ebi ichechieek me lek kè Jisos̄ Karais ibe Jisos̄ ubok̄ ikupbe me iyakwut ke ikup me cherekeyi, mōkup si ikeya ire mgbō ikakaañge itata, om̄o more ibot inyi Ntitiin̄ Awaji. Ikō itumube ikup uyot̄ si inyi Ntitiin̄ Awaji chereyi.

**Nchili-iko:**

Unye nt̄ō ikō eyi ogwu ibot ikwaañ ikare ikike melek eyi ogwukaañ ikwaañ ya me lek kañ. Ikō ogwukaañ ikwaañ okinye igak eyi ogwu irek ikwaañ ominbe ichit me lek ikwaañ. Jisos̄, ogwu ibot mē ogwu Ntitiin̄ Awaji onañabe me ubok̄ isibi itumu ikō unye unye mē ikpa inu om̄o omuñbe, mē iton̄ ebi iror̄ō ijaañ, mē ikañ inu inyi ebi iror̄ō ijo inu mē ebi ikpak, mē inyi ema si nteme me Ichichili 2 mē 3. Itumu si ufialek ob̄sibi inyi ebi unye-ejit, ebi kpechieek igwugwu ikom itele ijo eru kibañ, mē mkpukpe echi mōkupbe inyi ebi inyenye me ichechieek mē ebi igwugwu ikom itele ijo kibañ. Jisos̄ ikakinwene, ubok̄ ikupbe me iyakwut ke ikup me cherekeyi, mōkup si ikeya ire mgbō ikakaañge itata. Eya or̄ō, inu itumube mgbō òraraka ìbiabia si me ugwem mē ikañ unye me ugwem ebi ichechieek me lek kañ me cherekeyi. Ire ire ebi Ntitiin̄ Awaji mēkitoon̄ ejit mē ichieek si cherekeyi me lek use kañ echi ichieekbe me unw̄on̄ mē nje nyi isi kiji, ìre itat ibe eji ekpō chieeñ elō me lek ikō itumube inyi ebi Ntitiin̄ Awaji jaaba chi ni?

**Idodo:**

1. Ìre ekene ore Ntitiin̄ Awaji, sa ìre ekene ore ogwu ibot Ntitiin̄ Awaji? Ebi Efesos̄ 5:23; Kolosi 1:28
2. Keke ke ob̄k̄ot̄ itumu òfolek ikō Okaañ kiji otumube me ikpa kechi? Matiyu 24:35, J̄on 6:63; 10:35b; 1Pita 1:25.
3. Kpa nu ikpele umin Karais okaañbe kubok̄ ogwu Mkpulu me Ntitiin̄ Awaji. Ichichili 2:1,8, 12, 18; 3:1,7,14.
4. (a) Ebi Iburu 13:8, Isibi keke, iḡōok̄ me lek ikō Òkaañ kiji Jisos̄ Karais?  
(b) Etip Jisos̄ Karais oriabe ij̄et ebi Ntitiin̄ Awaji jaaba cha ire si etip yaage iriabe ij̄et ebi Ntitiin̄ Awaji cherekeyi. Ìre atikō/ ìre atak̄? Kpa wele.
5. Ke ìre ogwu òchechieek, kpasi ufialek ob̄sibi inyi eji, ire eji kp̄ō ikō ogwu ibot Ntitiin̄ Awaji ilō chieeñ? Osia 4:6; J̄on 12:8 Luk 16:31.

**Nchit-iko:**

Okaañ kiji Jisos̄ ìbe ke om̄o ìre ogwu okije me etete nguḡōon̄ mkpukañ jaaba, eyi orere Ntitiin̄ Awaji cha. Eyi ikijeeñ ìbe ke om̄o irīōon̄ otutuuk inu geelek ofolek Ntitiin̄ Awaji kpunu inu geege òlelet me isi kañ. Ntitiin̄ Awaji yi ìre akpalek ebi ichechieek. Karais ore Ibot inyi Ntitiin̄ Awaji, mē ire si ogwu unyaña inyi akpalek ya. Ikō kañ ìbokukup ire mgbō ikakaañge itata, ìre si ata ikō mē igbe (ìbe etoon̄ ejit me lek) utoon̄ ejit. Ubok̄ ikupbe me Iyakwut ke ikup me cherekeyi, mōkup si ikeya ire mgbō ikakaañge itata. Mije keyi ikō kañ mōkup me ugwem, mē ikañ unye, mōkup si ire mgbō ikañge itata. Ire eji mēk̄ot̄ igbini use eyi om̄o ochieekbe efie efie acha òraraka sabum eniman eji, mē ichieek ìbe ke eji si me iḡōok̄ ikañ uche me lek, inenisibi ìbe ke ikup uyot̄ ìbe ebi Ntitiin̄ Awaji me chere yi si mēgbañ uton̄ me lek etip ya egebe ij̄et ebi Ntitiin̄ Awaji jaaba cha. Ufialek òb̄or̄on̄ ikeme ebi ikpokpō ikō kañ isiki chieeñ ìre ij̄ij̄it ema, mē osusut ò b̄oyoyok mē ij̄ij̄ij̄aka ema ire mgbō ikakaañge itata.

**Ikō iben me ejit. Kolosi 1:18**

“Om̄o ore ibot isa inyi akpalek kañ eyi òrere Ntitiin̄ Awaji, eyi om̄o me lek kañ obenebe. Me etete otutuuk ebi geelek ikwakwaañ, om̄o odasi ijomo me mkpa. Eyi ikijeeñ ìbe ke om̄o ore ogwu òmimin ichit me emen inu geelek”.

**AGAN̄ EYI NIGER DELTA**  
**MGBA-NTITIIN̄ IKWEEÑ-INU USEN AWAJI EYI 2015**  
**IKWEKWEEN̄ IKPA MBUBAN 2**

**IKPELE IBOT IKO:** Ebi Ntitiin̄ Awaji Jaaba Cha

**IBOT IKO:** Itotoñ eyi etoñbe ebi Ntitiin̄ Awaji cha.

**IBOT IKPA:** Ichichili 2:2-3, 13, 19

**IBOT NKWEEN̄:** Inyi esa lek kiji otot mè emuñ ibe ke ugwem kiji ilibi ikike me lek itotoñ cha. Ògakge, isasa ikpok ikeek eji ibe ke Awaji ikekiriõõn mè ikige ata ikwaan̄ geelek isuñ.

**Nchili-ikõ:**

Itotoñ ire ibebe ke ene irõ inu ijaañ, mè ire ibebe ke inu inwõn me isi ebi ofifi ene. Ìre ijejeen̄ ubelejiti. Okaañ kiji Jisõs Karais ìsa itotoñ ineen̄ ebi Ntitiin̄ Awaji cha iban unye unye ikañ inu, me ntaba ubok me utoñ, mè uyok uyok itip oyerebet kañ, mgbo ikinyi ebi Ntitiin̄ Awaji cha nteme me emen ikpa etip iriabe ijete ebi Ntitiin̄ Awaji cha. ubok isabe ikpa ata ikwaan̄ kibañ itap ema ikpele efuuk me emen. Matiyu 5:16 Ìteme eji me itaba eji ubok me utoñ ibe eji etele ibe utoon̄ kiji itoon̄ me isi ebi ene inyi emuñ ata ikwaan̄ eji erõbe me etoñ Awaji. Me emen ijo mgbo kechi, ìre mēkõt itoñ ebi Ntitiin̄ Awaji ubok yaage etoñ ebibilõ?

**Idodo:**

1. (a) Me ngobontet kwuñ, “Ata ikwaan̄” ìre keke? Sa inu jeeñ.  
(b) Keke ke obõkõt itumu òsilek ogwu òchechieek mè ata ikwaan̄ igõok inu agba ikpa chi okitumu. Mat. 5:13-16; Ikwaan̄ 10:38; 1Kõrint 3:13-15; Ichilili 2:26.
2. (a) Gõ ikwaan̄ echi Jisõs otõñbe ge mè kpa wele ubok ìkupbe me agba ikpa kechi. Ichichili 2:2-3, 9, 19, 3: 4, 8, 10a  
(b) Ire mēkõt itoñ ebi Ntitiin̄ Awaji me cherekeyi ire ema esi òjelek ikwaan̄ kechi si? Sa inu okirõro jeeñ.
3. Jisõs ìsa itotoñ itap unye me lek ikõ isabe ikañ inu inyi ebi Ntitiin̄ Awaji? Kpa ubok ke eji mēkõt isa me ikeyi ijomo mè ire ineen̄ (a) ebi ikwaan̄ Awaji isuñ  
(b) ebi uwu Awaji isuñ?
4. Kpetõñ ebi Ntitiin̄ Awaji me Lawudisia kubok ge. Keke ke okween̄ inaña me lek inu ke yi orõro ema? Mat. 7:21; IKõrent 11:28; Ichichili 3:15 -18.

**Nchit-ikõ:**

Ata ikwaan̄ ire si ata irirõ geelek erõbe me ekikeek òtatat. Ata ikwaan̄ ìkup me uyot inyi ebi ichechieek mè ikup uyot si ibe otutuuk ebi ene emuñ. Itotoñ mōkõt itap efuuk me emen ogwu òchechieek ògbegbe utoon̄ ejiti, ikerere mgbo ekikañ inu inyi mè ire mgbo ekineen̄ omõ isuñ, ire gaalek ke etoñ me oniiñ ògbegbe. Jisõs ikakpõ chieen̄ ilõ me lek sõntiik inu geege melek ata ikwaan̄ echi ebi Ntitiin̄ Awaji chi esibe, omõ si ikpobokpõ ata ikwaan̄ kiji geege ilõ chieen̄ cherekeyi. Mije eji eriõõñbe ijaañ ibe ke mēto ikwaan̄ kiji geelek ikpõ, igbe ibe eji ekewõlõ lek kiji ekpõ inyi eji ekasa irek kiji, mè erieen̄ ilile kiji, mè erieen̄ emen uwu Awaji, ìfiaañ lek kiji; mè ìre ikikeek ibe ke eji owa me ugwem me mgbo ugwem ojõõñbe eji ere me lek kubok ebi Ntitiin̄ Awaji me ama Lawodisia. Awaji ichili eji chieen̄ inyi eji emuñ lek kiji ike omõ omuñbe eji me erieen̄ kè Jisõs, ikup ikeya. Ògakge, ikup me uyot ibe Jisõs iniñ emen ejiti kiji. Ire ikare ikeya, ata ikwaan̄ geelek eji ekiro ibet lek òka ekwut. Ire mīkpõ owu iman? Cherekeyi, ire owu onõ ida kañ, katet ejiti kwuñ inye. Owu mōkõt ire ene ge me lek ebi ebyaña cherekeyi.

**Ikõ iben me ejiti: Ichichili 2:26**

“Ene geelek òtitim ikpañ, mè ikeke inye ikirõ inu nkiweek mege ire òta, mãnyi ene ya unye ibe ikikpulu owuwa ido”

**AGAN̄ NIGER DELTA**  
**MGBA-NTITIIN̄ IKWEEÑ-INU USEN AWAJI EYI 2015**  
**IKWEKWEEN̄ IKPA MBUBAN 3**

**IKPELE IBOT IKO:** Ebi Ntitiin̄ Awaji Jaaba Cha

**IBOT IKO:** “...Inu Ìkabelege Emi Ejit me lek kwuñ...”

**IBOT IKPA:** Ichichili 2:4, 14, 20.

**Ibot Nkween̄:** Ikpokpok ikeek ebi ichechieek ibe ke ikup uyot ibe eji ekewoḷo ugwem kiji ekpo usen geelek, mije eji ekupbe me akpalek ijo inu keyi; inyi eji ekot ekeke enye me ichechieek mē egwu ekom me ijo inu mgbo yaage, ire ikañ inu inyi eji.

**Nchili-ikọ:**

Ene ge ifufuk ukpatu òfolek ijo inu eyi Debit melek Bieseba erobe, mē eyi irobe ikeme Uraya, itataañ ukpo ibe , “Okaañ-ene, sa ene òbet lek Natan gbana ugwem ña”. Keke orọ? Keek-nu Jisọs ìkpok mbum ijo inu ebi Ntitiin̄ Awaji cha isa ikañ inu inyi ema. Keek-nu ike mokup me lek kwuñ mgbo ene ge otumu inyi owu ibe, “inu owu okiro ìkabele emi ejit”. Kē owu òchiak ònye, inorie kpomoyaka ilo ofifi. Kē ejit kwuñ òkosulu tip tip tip. Ògakge, ire ogwu owu okinyi ulibi otumu ikọ ya inyi owu. Jisọs, ogwu Ibot Ntitiin̄ Awaji, mbgo itoñbe ebi Ntitiin̄ Awaji òkup me Efesọs isaña, ibebe, “...ire, ñkabele ejit mije ijo inu ge mmuñbe...” Ichichili 2:4. Ítumu ibe ke omọ icha inu ikpak cha mē ùwọlek ebi Ntitiin̄ Awaji cha ekaañbe me ichechieek mē irek kibañ me lek Awaji. Íre ebi Ntitiin̄ Awaji òkup me Simaina mē Filadefia gaalek etana. Eyi íre atikọ eyi ògbegbe ibe ebi geelek ichechieek mē ebi Ntitiin̄ Awaji eriọñ. Ògakge, isitoñ ema isaña mgbo ema erobe inu ijaañ. Ikare itutumu ofiaañ ofiaañ ikọ inyi ema, eyi ikpòkaañ unye me emen ekwukwu kibañ ike ema ekigọk Awaji igbaañ ije.

**Idodo:**

- (a) Gó inu Jisọs ochabe inyi ebi Ntitiin̄ Awaji cha mē kpa wele. Ichili 2:4, 14-15, 20;3:1-2,15-17.  
(b) Íre eru kechi òwa me Ntitiin̄ Awaji chereyi? Kpa inu ofolek.  
(c) Íre ìkaañ inu ge ebi Ntitiin̄ Awaji chereyi ekirọ eyi òkinaañ Okaañ-ene ejit? Sa Ikpa Mbuban bien ifọk kwuñ nye.
- (a) Íre keke ke ebi ìkigọk Jejiben, mē Nikolas, mē Balam ekijeen? Ichichili 2:14-15 & 20.  
(b) Íre kpasì òniin̄ ke ebi Ntitiin̄ awaji mēkọt ijeeñ ibe ema kpema ijejeñ kechi?
- Íre keke ke agba ikpa kechi okitumu ofolek nkañ inu? Urọk 9: 8; 27: 5; 28: 23; Taitos 1: 13; Ichichili 3: 9.
- Igọk me lek nkween̄ keyi melek inu egebe me 2Samien 12: 1-15, ìre ike owa ke igbe ibe eji erọ mgbo eji ekikañ inu mē mgbo ekikañ inu inyi eji me Ntitiin̄ Awaji chereyi, inyi eji ekot ejomo ebi iwọḷo mē ekot eluk ugwem òkup mbuban me isi Awaji.

**Nchit-ikọ:**

Jisọs ikikañ inu inyi ebi imuñbe me chieeñ. Ire omọ imuñ ebi Ntitiin̄ Awaji me chieeñ ire lek ìkwube mkpa isa ifaka ema isibi me emen ijo inu, mòkọt si ijeeñ imumechieeñ kañ isibi me ikakañ inu inyi ema isa irọ ibe ema egwu ekom esibi etele ijo inu ya. Kubok Debit orobe, eji emuñ ikañ inu ke ìre inu ekisa ineeñ eji isuñ inyi eji ekije me òniin̄ òtatat ike eji ekigọk Awaji igbaañ ije. Íre keke ke eji ekirọ eyi òkinaañ Awaji ejit (eji me ene me ene, mē ìre eji otutuuk ebi Ntitiin̄ Awaji)? Íre eji me lek kiji gaalek eberọ inyi eji ekayaka ìkirọ eru ebi ikigọk Jejiben, mē Nikolas, mē Balam inyi ema ekakọt ikput eji ibobokọ mkpukpe eyi ugwem ikakaañge itata. Eji egwu ekom etele ijo inu kiji, ufana itotoñ mē ikwaañ, mē ata ikwaañ chi eji ekirọ ikachep me ikike.

**Ere iben me ejit: Ichichili 3:19**

“Ebi mmabe ke nkigana ikọ inyi, mē ikisulu me njijañ. Eya orọ, ìgbala chieeñ, mē ìgwu ìkom”

**AGAN̄ NIGER DELTA**  
**MGBA-NTITIIN̄ IKWEEŃ-INU USEN AWAJI EYI 2015**  
**IKWEKWEEN̄ IKPA MBUBAN 4**

**IKPELE IBOT IKO:** Ebi Ntitiin̄ Awaji Jaaba Cha

**IBOT IKO:** Ngwu Nkom m̄ Mkpukpe

**IBOT IKPA:** Ichichili 2

**Ibot Nkween̄:** Ikpokpok ikeek ebi ichechieek ibe ke inu ebak me lek ikikañ inu inyi ene ìre m̄ ene igwu ikom m̄ ikeek si ema ibe ke ogwu ògwugwu ikom me atikò m̄bòkò mkpukpe ugwem ikakaañge itata.

**Nchili-ikò:**

Ngwu nkom ìre inu ekiro mgbo ekifiek ejit me lek inu ene orobe ilo m̄ ìre inu ene ikakotge irò iso ike igbebe. Ute m̄ ìre uga geelek ikikpochieen̄ ibe ke gwuñ omò okañbe inu inyi m̄nwene (m̄ogwu ikom). Ògakge, nte uwu ikpotele mgbo geege irerieen̄ gwuñ uwu kañ ogwu ineen̄be, m̄ itaba ubok me uton̄, m̄ ikañ inu inyi owuwa mgbo, ìre gwuñ uwu ya ikpokpo inye ejit ikisa ijo eru kañ ya ifo isi. Okañ-ene ìgwen ebi Ntitiin̄ Awaji cha ibe egwu ekom etele ijo inu m̄ ugwem wòlòwòlò kibañ, mgbo ikañbe inu inyi ema isaña. Ìsa itoton̄ ijeen̄ ike omò oweek ibe ema ekiluk ugwem kibañ.

**Idodo M̄sabe Ikween̄ inu:**

- (a) Nyi ofifi ikò m̄kòtbe isa igwen “ngwu nkom” melek “mkpukpe”.  
(b) Kpa-nu inu ofolek ngwu nkom ge orioon̄be eyi m̄kòtbe isa itot me lek eyi keyi eji ekween̄be inu ofolek.
- (a) Go-nu itoton̄ echi Jisòs onyibe ebi Ntitiin̄ Awaji jaaba cha ge ge.  
Ichichili 2:5, 16, 25; 3:2-3, 11, 18. Luk 15:11.  
(b) Ìre itoton̄ chi m̄kòt irò oruru inyi ebi Ntitiin̄ Awaji chereyi? Òjeje ikeek ikeya?
- Ìre keke orò ikup uyot ibe ebi Ntitiin̄ Awaji ijeje ilo egwu ekom? 2Mfufuk 7: 13-16; Uròk 29: 1; Ichichili 2: 5, 26.
- Go-nu inu òborò (mpkukpe) ebi Ntitiin̄ Awaji ìkinye ejit ijit ngwu nkom ike emun̄be me Ichichili 2: 5, 16 m̄ 22

**Nchit-ikò:**

Inwenwene ubok irò inu, m̄ inwenwene eru, m̄ ibebene ikiluk ayaya ugwem mije ikañ inu m̄ ìre nteme enyibe ore usini me lek inu m̄kòtbe isa itot me lek ngwu nkom. Inu geelek ene okiro ikitatat me chieen̄ ogwukaañ lek. Eyi si ore irek ebi Ntitiin̄ awaji m̄ ebi mkpulu kibañ ekupbe cherekeyi. Ire, Jisòs, ogwu ibot Ntitiin̄ Awaji ìkpok eji mbum m̄ isa ikò kan iwòlò ugwem kiji ikpò. Owa ke Ìtet owu? Ike owa ke omun̄ lek kwun̄? Ìre mgbo eji m̄sikibe lek kiji me isi Awaji m̄ igwu ikom me atikò. Ngwa, eji geelek ekeek ere eji enañabe iron̄ m̄ egwu ekom, m̄ ekpok ekisi ikwaañ ya eji ewuukbe lek ikisi adasi mgbo. Jisòs ibe, “Ikpo, emi gwa nkinu ugwat ugwat! Mkpukpe ña mbasa ikpe ebi ene me ubok ikwaañ kibañ, òwa me ubok ña. `Mbakpe ene geelek mkpukpe igòk me ubok ikwaañ kañ”.

**Ere iben me ejit:Ichichili 2: 5**

“...Ìkeek ikpele iron̄ yi, m̄ igwu ikom m̄ iyaka ìkiro inu cha echi enyi ekiro me adasi mgbo. Ire enyi kpegwu ikom me ijo kinyi, emi m̄anu inisaña ngugoon̄ mkpukañ kinyi isaña me irek kañ”.